

## Per trutgs e pitgognas dals 06-05-2011

### Proposta dad Adalbert Caminada

#### *Tura en la primavaira lumneziana*

Partenza a Nussaus, ina fracziun da Lumbrein. L'emprim ensi en la senda lumneziana ed alura encunter la Val Mulin, sur ina imposanta punt da lain, erigida l'onn 2008. Cuntinuar la tura fin sin Crest Schlarains 1700 msm. In punct magnific per admirar la Lumnezia, era numnada "la Val da la glisch". In pau engiu vers Runchiola – Davos Munts, il lai da far bogn erigì l'onn 1998. Tut tenor temperatura èsi pussaivel da far bogn, u silmain far ina pausa en l'ustaria / café sper il lai. Vinavant sur la senda panoramica fin a Vella.

Ensi            450 m

Engiu           550 m

Durada        ca. 4 - 4 ½ uras

Fin a Nussaus èsi meglier da prender l'auto da posta. La tura po vegnir interrutta era gia pli baud e turnar cun l'auto da posta enavos; per exempel davent da Vignogn u da Vattiz.

Quella tura è era ideala per famiglias cun uffants che han plaschair da viandar e po vegnir fatga l'entir onn.